


ՃԱՅՐԱԳՈՅՆ ՊԱՏՐԻԱՐԺ  
ԿԱԹՈՂԻԿՈՍ  
ԱՄԵՆԱՅՆ ՀԱՅՈՑ  
ՄԱՅՐ ԱԹՈՒՍ ԷԶՄԻԱՏԻՆ



SUPREME PATRIARCH  
CATHOLICOS  
OF ALL ARMENIANS  
MOTHER SEE OF HOLY ETCHMIADZIN

ԳԻՐ ՀԱՅՐԱՊԵՏԱԿԱՆ ՕՐՀՆՈՒԹԵԱՆ  
ԱՌ ՍՐԲՈՑ ՂԵՒՈՆԴԵԱՆՆՑ ԵԿԵՂԵՑԻ  
ՈՐ Ի ՖԷՐԼՈՆ, ՆԻԻ ՃԸՐՁԻ, Ի ՄԻԱՑԵԱԼ ՆԱՀԱՆԳՍ ԱՄԵՐԻԿԱՅԻ

Սրտի խոր գոհունակութեամբ տեղեկացանք Հիւսիսային Ամերիկայի Բարեխնամ Առաջնորդ՝ Գերաշնորհ Տ. Խաժակ Արքեպիսկոպոս Պարսամբանէն որ Ֆէրլոնի (Նիւ Ճըրզի) Սրբոց Ղևոնդեանց եկեղեցին հիմնական վերանորոգութեան էֆ ենթարկած և զայն օժտած էֆ հայկական նարտարապետական ռնով կառուցուած երկնասլաց գմբէթով:

Կ'երևակայենք թէ որքա՛ն խոր ուրախութեամբ կը պատրաստուիք վերաբացման արարողութեան, որ հանդիսաւոր շուքով տեղի պիտի ունենայ յառաջիկայ Նոյեմբերի 17-ին, (1996):

Ձեր կատարած հաւաքական աշխատանքին մէջ Մենք կը կարդանք Ձեր հաւատքը, սէրն ու նուիրումը հանդէպ մեր Ս. Եկեղեցւոյ: Եկեղեցի կառուցել կամ եկեղեցի վերանորոգել զուտ նարտարապետական կամ նարտարաշինական գործ չէ: Ամէն բանէ առաջ և վեր՝ հաւատքի՛ գործ է: Երբ հաւատքը կենդանի է՝ բոլոր տեսակի շինարարական գործերը կը դառնան կարելի:

Վստահ ենք որ վերանորոգութեան և բարեգարդման այս գործը պիտի դառնայ սփանչելի առիթ մը Ձեր շրջանի հայ հաւատացեալ ժողովուրդի կեանքին մէջ քրիստոնէական սուրբ հաւատքին զօրացման և ազգային պատկանելիութեան զգացումին վերակենդանութեան: Նիւթական պայծառութեան մէջ կենսականը հոգևոր կեանքի պայծառացումն է: Թող գալիք սերունդները ներշնչուին ձեր օրինակով: Ձեր Առաջնորդ Սրբազանին շուրջ բոլորուած՝ նոր թափ տուէք քրիստոնէական և հայեցի դաստիարակութեան նուիրական և փրկաւէտ գործին:

Ահա այս զգացումներով և հայրական ջերմ սիրով կ'ողջունենք Ձեզ և կը գնահատենք Ձեր համայնքի հոգևոր հովիւին և բոլոր նախկին հովիւներուն և բոլոր աշխարհական անձերու և եկեղեցւոյդ համայնքային կազմակերպութիւններուն նախանձախնդրութիւնն ու գոհողութիւնները: Բոլորիդ անխտիր կը յղենք Մայր Աթոռ Ս. Էջմիածնի օրհնութիւնները:

Թող Բարձրեալն Աստուած ձեզ զօրացնէ Ղևոնդեանց քահանայից և Վարդանեան սերունդի ոգիով:

Ողջ լերուք ի Տէր, զօրացեալք շնորհօք Ս. Հոգւոյն, և յաւէտ օրհնեալ ի Մէնջ. ամէն:

ԳԱՐԵԳԻՆ Ա  
ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Տուաւ Օրհնութեան Գիրս  
ի 21 Հոկտեմբերի 1996  
ի Մայրավանս Սրբոյ Էջմիածնի  
Ընդ համարաւ Է/38